


瑜伽師地論

第八十二

二百三十一
善二

49072



元祿九年丙子二月日重修

皇圖聖圖 帝潛報昌

佛日增輝 轉常轉

山城州天安寺法金剛院置

11

瑜伽師地論卷八十二

彌勒菩薩說 沙門玄奘奉

詔譯

攝釋分之下

聽者謂如是說法者說正法時應安處他令
住恭敬無倒聽聞云何安處謂或由一因或
乃至十

一因者謂恭敬聽法現前能證利益安樂故
此中或有利益非安樂等四句如菩薩地法
受中已說



二因者謂善建立一切法故善建立者雖諸
過故具大義故又為說者聽者所設劬勞有
勝果故若不令者能說能聽徒廢已業虛毀

功勞應無有果

三因者恭敬聽法能令衆生捨惡趣故得善

趣故速能引攝涅槃因故如是三事要由恭

敬聽聞方得

四因者一恭敬聽法能善了達契經等法二

如是正法能令衆生捨諸不善攝受諸善若

善 瑜伽師地論卷之三

善聽者則能精勤若捨若受三由捨受故捨

離惡因所招後苦四由此受捨善惡因故速

證涅槃

五因者謂佛世尊所說正法有因緣有出離

有依趣有勇猛有神變如是諸句如攝異門

分當廣分別復有互因謂戒當聞所未聞戒

當聞已研究我意除斷疑網我當棄背諸見
我當以慧通達一切甚深句義諸佛世尊說
此五種顯聞思修三所成慧清淨方便謂初
二種顯聞所成慧次二種顯思所成慧後一
種顯修所成惠

六因者一為欲敬報大師恩德謂佛世尊為
我等故行於無量難行苦行求得此法云何
今者而不聽聞二觀自義利謂佛正法有現
義利三究竟能離一切熱惱四善順正儀五
易可了見六諸駭慧者內證所知
七因者謂我當修集七種正法我當知法知
義乃欲善知補特伽羅尊卑差別

八因者一佛法易得乃至為旃荼羅等而開
示故二易可修學行住坐卧皆得修故三引
發義利謂能引發增上生果決定勝果故四
初善故五中善故六後善故七感現樂果故
八引後樂果故

九因者謂能解脫九種世間逼迫事故一能

善 瑜伽師地論卷三

出生死大牢獄故二永斷貪等堅牢縛故三

棄捨七財貧建立七財富故四超度善行聞

正法儉建立善行聞正法豐故五滅無明闇

起智慧明故六度四暴流早涅槃岸故七究

竟能療煩惱病故八解脫一切貧愛羅故九

能度無始生死曠野稠林野故諸牢獄中生

死牢獄最為第一是故先說

十因者一恭敬聽法得思擇力由此能受聞法勝利如法求財不以非法深見過患而受用之二善知出離謂喪失財寶無憂無感亦不嗟怨乃至廣說眷屬離壞若遭病苦不甚悲難亦不愁惱乃至廣說三於諸欲中深見過患及見出離最勝功德清淨出家捨離上妙卧具貪著乃至能證諸妙靜慮四恭敬聽法速頓證解廣大甚深相似甚深諸緣起法又能引發廣大善根出離歡喜如世尊說我聖弟子專心屬耳聽聞正法能斷五法能修七法速疾圓滿五諸聖弟子恭敬聽法所有

集法皆成滅法。七解正法之遠塵離垢於諸法中生正法眼。七能引攝證預流果。最勝資糧。乃至證得阿羅漢果。及能引攝阿羅漢果。最勝資糧。八能引攝獨覺資糧。九能善引攝無上正等菩提資糧。十能引一切世間出世

間靜慮解脫等持等至

善 瑜伽師地論卷八十二

三

讚佛略廣者。謂說法師。指欲開闡先當讚佛。讚有二種。一略二廣。略讚佛者。由五種相應當了知。一者妙色。二者靜寂。三者勝智。四者

正行。五者威德。妙色者。謂三十二大丈夫相。八十隨好。靜寂者。謂善能密護諸根門等。及能永拔煩惱習氣。勝智者。謂於過去未來現

在世法及非世法無礙無著正行者謂自他
利正行圓滿威德者謂諸如來神通遊戲後
有六種略讚如來謂功德圓滿故離垢染故
無濁穢故無與等故唯利有情以為業故於
此業用有堪能故此廣分別如攝決擇分
廣讚佛者謂佛世尊無邊名稱德無量故能
施光明發智明故能除黑闇永滅一切無智
闇故成就明眼具三眼故見勝義諦了知無
等諸聖諦故成就禁戒戒圓滿故戒香宿故
如是兩足中尊諸調御中最勝最上沙門衆
中最為殊美是諸世間難得珍寶
如是為哀愍者為大悲者樂為義者求利益

者常悲愍者
如是為眼為智為義為法於明乃義能善決
定凡有所作皆依於義

如是能證一切所未證義由先證聖八支道
故自然證故善能制立所未曾立勝梵行故
是知道中者是證道者是示道者是說道者
善 瑜伽師地論卷三

是引道者

如是是人中師子
如是是人中牛王
如是是人中御象
如是是人中龍王
如是是人中良馬
如是是人中善調
如是是人中最
勝家族姓等
勝家
智勝威德等
智勝

法所不深故
如是是無等者無與等故無等等者等去來
今無等者故是最第一於諸有情為最上故
是大仙王戒者宿故長時積集勝梵行故證
古大仙所證道故是最勝者於諸外道煩惱
等魔能得勝故是大牟尼無有一切掉慢等
故與三寂靜具相應故不可引奪一切生等
及諸異論不引奪故善沐浴者永離一切諸
惡法故到彼岸者超度一切薩迦耶故
如是如來應正等覺乃至廣說是薄伽梵如
是白法圓滿一切智者一切法主無忘失法
於諸有情堅固最勝一切苦樂不擾其心是

善調者密護根門善圓滿故是寂靜者受持
尸羅善圓滿故是安穩者已入決定地故般
涅槃者已證菩提故拔毒箭者拔愛箭故調
未調者靜未靜者已如前說安慰一切不安
穩者善能安立諸異生等令證預流一來果
故寂滅一切未寂滅者善能建立住初二果
善 瑜伽師地論
令證不還及阿羅漢果故無扭械者出火坑
者度深壑者制諸求者無傾動者摧慢幢者
大常住者

如是是阿羅漢諸漏永盡如前廣說乃至盡
諸有結

如是永斷五支成就六支廣說乃至純善積

集最上丈夫

如是善知法者乃至善知補特伽羅有尊卑者如是是火沙門大婆羅門離垢無垢良醫高主是勝觀者是世間依是衆生尊此中離垢者煩惱障斷故無垢者所知障斷故又永拔習氣故名無垢日夜六反觀察世間故名勝觀如是是一切種善清淨者大丈夫相及隨形好莊嚴身者具足十力為大力者具四無畏無所畏者是大悲者於三念住善住念者成就三種不護法者無忘失法永害一切煩惱習氣具一切種微妙智者此中大悲者長時積集故謂經三大劫阿僧企耶亦為證

得又復依緣一切有情故緣一切種苦為境
界故於諸衆生一切損惱變異利養得無轉
故於諸有情平等轉故

復次此中諸說法師應於如是安立釋經法
相先當尋求若文若義次復為他轉五種釋

如先所說解釋道理宜說正法又應如是安
善 瑜伽師地論卷二

立自身於先所說說法者相謂善法義等十

種圓滿如是自安立已應起如是品類言說

謂處五大衆以如前所說可喜樂等八種言

詞為衆說法又安處他令住恭敬無倒聽聞

又應先讚大師功德若有具足如是五分說

王法者當知猶如五分音樂能令自他生大

喜樂又能引發自他利益若能如是善修學
已當知其足五種勝利一於佛言義解了不
難二能善圓滿說諸法相三能善起發自他
相續廣大歡喜四能引善出離乃至天上人
中稱譽遍滿五能生起無量功德

復次如經中說住學勝利當知此經文義為
躰文者謂此經言汝等苾芻應當安住修學
勝利此中有十二字四名一句如是則攝名
句字身此中言說足學處相則攝行相如來
言說本為苾芻請問則攝機請如來所說言
音則攝於語是故此經一句具攝六文如是
慧為上首等說句中皆隨相應知

義者謂地義中但說聲聞地或具五地經言
學勝利者是資糧地慧為上首者是加行地
解脫堅固念為增上者是見地修地究竟地
是名地義於相義中學勝利者是戒自相慧
為上首者具二種相謂於慧自相所依助伴
等中唯慧自體是惠自相慧之所依助伴所
緣名善 瑜師地論為共相解脫堅固者謂永離一切煩惱
處重是解脫自相念為增上者是念自相是
名相義作意義中學勝利者非諸作意唯顯
作意建立處所慧為上首者應知了相勝解
作意解脫堅固者顯示遠離攝樂方便究竟
方便究竟果作意念為增上者當知此顯觀

察作意是名作意義由此道理於智等中應
隨建立依處義中依於涅槃學處所攝清淨
行隨其所應起教導等所謂教導乃至慶喜
當知此中亦通有善等行隨其最勝但說清
淨行出家補特伽羅是補特伽羅依處又依
軟根等一切補特伽羅應當慶喜又於過去
現在時應當慶喜已證得故正證得故於現
在時起於示現於未來時起於教導及讚勵
是名依處義勝利義中謂修三學速得圓滿
是勝利義過患義中謂出家者不應行於異
行不應儲餘財物所治義中謂犯尸羅無智
煩惱及忘失念當知護尸羅等即是能治義

又一切雜深行皆。是所治三學等行皆是能治於略義中。謂住學勝利乃至念為增上。此略舉宗名為略義。當知即分別此名為廣義。是名略廣義。除此更無若過若增。

復次於解釋中法者。謂於十二分教當知此

是契經所攝。又是記別由了義故。

善 瑜伽師地論卷三

等起者。謂應當說依止處所為欲自顯。遍行行智力故發起此經。又為顯示精勤修習清淨行者。及為顯示重財利者。令信解彼所化有情。依住學勝利等精進修習。速得圓滿三學勝利。又為顯示四種苾芻體。故此中經言。學勝利者。為念遠離種種姓形。苾芻體。故及

今遠離詐現軌則密護威儀恣翦體故慧為
上首者為今遠離計著虛妄聲譽稱讚恣芻
體故解脫堅固念為增上者勸令修習真實
正行恣芻體故所以者何若有愛樂聲譽等
者雖自勉勵聽受正法慧不增長若有遠離
前所說過便於真實正行攝受正解脫中堪
任勸導又為於下劣生喜足者勸令漸漸修
學增進為樂追求隨順世間文章咒術於戒
慢緩者說學勝利為守尸羅捨多聞者說慧
為上首為唯於聞思生喜足者說解脫堅固
為於戒慧解脫起增上慢者說念為增上如
是等類皆名等起

義者謂捨義中當知此經宜說正行及正行
果如是戒等三字當知是名學之邊際又言
如是住者此顯正方便四種瑜伽所攝又言
如是住三字者此顯正行果此中信欲為先
攝受尸羅聽受精進慧等方便於別義中所
言學者是勤精進如聖教行若習若修名之
善 瑜伽師地論八十二
差別清淨身語正命現行是學自性由此正
行尸羅忍辱等修顯發故名為學又為靜寂
及為清涼進習除滅故名為學如是等類訓
釋名言又應如前說相故自性故業故法故
及因果故義門差別中自性差別者謂學勝
利是所顯示七品尸羅或過二百五十學處

界差別者謂欲行中有別解脫律儀色無色
行中有靜慮律儀無漏律儀非界所繫時差
別者謂學勝利過去已學未來當學現在正
學此學勝利當知於去來今平等無異位差
別者謂已入正法補特伽羅諸學勝利未成
熟者是下位正成熟者是中位已成熟者是
上位若心不喜樂勉勵修行諸梵行者此學
勝利是苦位若心喜樂不自勉勵修梵行者
此學勝利是樂位若於梵行非喜樂非不喜
樂者此學勝利是不苦不樂位又學勝利皆
是善位非不善位非無記位若聽受者是名
聞位若思惟者是名思位若修習者是名修

位若未證得增上心慧唯是增上戒位若證
得者亦是增上心慧二位如是等類是位差
別補特伽羅差別者此中意說出家補特伽
羅或是鈍根或是利根或貪等行或等分行
或薄塵行唯是聲聞非諸獨覺非諸菩薩由
彼獨覺別覺悟故菩薩解脫為堅固故不說
善 瑜伽師地論八十二
共住修學勝利又復此中唯說般涅槃為法
者已入正法者無有障礙者亦具縛者不具
縛者非無縛者唯人非天如是等類名補特
伽羅差別如於學勝利如是於慧為上首性
於解脫堅固性於念為增上性隨其所應當
知皆有五種差別

此中勝利者是功德增進圓滿名之差別如
說當觀十種勝利是其自性此法能有饒益
應可稱讚故名勝利又得此法隨生有情定
應隨逐故名勝利又獲此法稱讚所隨故名
勝利門差別者當知十種差別謂能攝受於
僧令僧精懇乃至廣說

此中苾芻者是沙門捨離家法趣非家等名
之差別具足別解脫律儀衆同分是其自性
於其形色勤精進故怖畏惡趣自防守故攝
無損故名為苾芻門差別者謂刹帝利等差
別故上族下族差別故少中老年差別故當
知是門差別

此中住者是俯就於時精勤修習名之差別
此住自性離所說學無有別法種種威儀攝
受時分故名為住此是訓詞門差別者謂威
儀差別故朝中後分差別故日夜差別故當
知是名住門差別

此中慧者是智見明現觀等名之差別簡擇

善

瑜伽師地論卷三十一

十一

法相心所有法為其自性訓詞者簡擇性故
治無智故名之為慧又各品別能了知故名
之為慧又能顯了諸聰慧者是聰慧性故名
為慧門差別者隨其所應如前安立

此中解脫者是永斷離繫清淨滅盡離欲等
名之差別自性者謂麁重永害煩惱永斷訓

詞者謂能脫種種貪等繫縛故名解脫又後
世尊為種種牟尼說此以為牟尼體性故名
解脫門差別者謂待時解脫不動解脫見所
斷解脫修所斷解脫欲行解脫色行解脫無
色行解脫如是等類義門差別如前應知
此中念者是不忘失心明記憶名之差別自
性者是心所有法詞者追憶諸法故名為
念又隨所經事隨其作意由此能令明了記
憶故名為念門差別者謂佛隨念法隨念等
乃至廣說六種隨念如是如念住差別當知
廣說差別又復如前隨其所應當知差別
復次於釋難中問住學勝利者義何謂耶答

此增語顯示於增上戒學見勝功德住問慧
為上首者義何謂耶答此增語顯示於諸根
中慧根第一問解脫堅固者義何謂耶答此
增語顯示見修所斷煩惱永斷問念為增上
者義何謂耶答此增語顯示於少下劣不生
喜足

善

瑜伽師地論卷十二

十二

問於餘經中三學次第世尊異說何故此中
增上戒後說增上慧非增上心答此中顯示
住學勝利由此言說顯聞等所成慧攝受無
悔等由此漸次得三摩地即是顯示增上心
學如世尊說於是五根最能攝受所攝受者
所謂慧根由諸苾芻成就慧根乃至能修定

根如是乃至成就定根當知皆是慧根之力
今此經中世尊顯示慧根是三摩地引因及
煩惱斷引因增上心學與增上慧學俱時而
說問餘經中說三學修習進趣圓滿何故不
說增上心學修習滿耶答如前所說當知此
中道理亦尔

問何故此中但說住學勝利不說住慧勝利
住解脫勝利等答於下劣中勸取勝利當知
亦令所化有情於勝妙中攝受勝利又攝受
於僧令僧精懇等十種勝利分別易了易可
悟入是故但說住學勝利問夫解脫者於諸
法中最為殊勝何因緣故但說住慧上首不

說住解脫上首答於下劣中勸取上首性當
知亦令所化有情於勝妙中攝受上首性又
於解脫顯示不共差別功德故何等名為不
共差別功德謂於無常無上慧邊解脫常故
最為堅固問何等名為住學勝利答如所施
設諸學處中觀十勝利常守尸羅堅守尸羅

善

瑜伽師地論卷十三

十三

常作常轉如是名為住學勝利

問攝受於僧等諸句有何義耶答攝受於僧
者是抵句令僧精懇者令離受用欲樂邊故
令僧安樂者令離受用自苦邊故未淨信者
令淨信者故未入正法者令入正法故已淨
信者令增長故已入正法者令成熟故難調

伏者令調伏故犯尸羅者善驅擯故令慙愧
者安樂住者淨持戒者令無悔故防現法漏
者隨順摧伏煩惱纏故害後法漏者止息邪
願修梵行故隨順永斷惑隨眠故為令多人
梵行久住轉得增廣乃至為諸天人正善聞
示者為令聖教長時相續無斷絕故
如是十種勝利略攝為三即此三種廣闡為
十何等為三一者令僧無深汙住二者令僧
得安樂住三者令佛聖教長時隨轉此中由
七種隨護顯示無深汙住及安樂住七種隨
護者一敬養隨護二自苦行隨護三資財乞
少隨護四展轉相觸隨護五心追變隨護六

煩惱纏隨護七邪願隨護最後一句顯示聖
教長時隨轉

云何常守尸羅謂不棄捨學處故云何堅守
尸羅謂不毀犯學處故云何常作謂於學處
無穿穴故云何常轉謂穿穴已復還淨故云

何受學學處謂具隨學諸學處故如是行者

善 瑜伽師地論卷十三

常守尸羅堅守尸羅聞正法已獨居靜處繫

十四

念思籌量觀察為欲趣求增上心慧依聞思
修所生妙慧能證解脫此解脫性無退法故
說名堅固是出世間聖智果故又此行者由
正念力審自觀察我尸羅蘊為圓滿不我於
諸法為有正慧善通達不我於解脫為善證

不如是依止正念力持具學勝利發上首慧
證堅解脫又此正念略有三種謂或因說法
故或依教授故或由觀察應作不應作故
問世尊說戒有無量種謂事善戒苾芻戒近
住戒靜慮戒等持戒聖所愛戒如是等戒今
依何說住學勝利答依苾芻戒由最勝故問
世尊說慧亦有多種謂聞所成慧思所成慧
修所成慧依何慧說住慧上首答具依三慧
問世尊說解脫亦有多種謂世間解脫出世
解脫有學解脫無學解脫可動解脫不可動
解脫如是等類今依何說住解脫堅固答依
出世間不動解脫

問世尊說念亦無量種謂於身住念於受住
念於心住念於法住念於久所作所說隨念
於所受誦諸法隨念教授隨念應作不應作
隨念佛隨念等所有諸念今於此中依何念
說念為增上答就勝為言依應作不應作觀

察隨念

善 瑜伽師地論卷十二

十五

復次於次第中先應安住苾芻尸羅次應聽
受如來正法次應如理作意思惟如是行者
由淨持戒無有憂悔由無悔等漸次生定由
正方便所攝智慧如理作意正思惟故增上
心學速得成滿如是名為圓滿次第前前後
後漸圓滿故能成次第者謂由住學勝利能

成慧為上首由慧為上首能成解脫堅固云
何能得住學勝利乃至能成解脫堅固謂由
念為增上如是名為能成次第又如是在修
習三學速得圓滿此亦名為能成次第解釋
次第者謂能善教誡聲聞弟子一切應作不
應作事故名大師又能化導無量衆生令苦
寂滅故名大師又為摧滅邪穢外道出現世
間故名大師從他聽聞正法音聲又能令他
聞正法聲故曰聲聞

問何因緣故唯為聲聞說住學勝利等答由
聲聞衆是佛世尊隨順修學真實子故此中
法者當知宜說名句文身學處者謂所宜說

五毀犯聚具憐愍者謂於長夜諸有情所恒

住慈等諸無量故其大悲者謂能拔濟無量

衆生多苦法故樂義利者能與衆生多樂法

故求利益者能與衆生無量品類妙善法故

恒悲愍者能拔衆生無量諸惡不善法故為

令多人梵行久住者依利帝利等族姓說轉

善 瑜伽師地論卷

增廣者即依如是有情種類後後增廣說乃

至為諸天人者謂即依彼有勢力說此中顯

示世尊大悲普覆一切非唯一分正善開示

者謂如其所有性故及盡其所有性故宜說

正法者謂十二分教聽受研尋任持讀誦處

靜思惟如是正法如是能令汝利益者依增

上戒說如是能令汝安樂者謂不依止弊苦
艱難不自在行如是能令汝利益安樂者謂
離欲者增上心行增上慧行此行善故名爲
利益能饒益故名爲安樂

復次若於是處世尊讚美杜多功德是名利
益若於是處世尊聽受百味飲食百千衣服
是名安樂若處世尊制立三学如是名爲利
益安樂又說如來於諸法中以彼彼慧善觀
察者若爲利益若爲安樂若爲利益安樂依
增上戒学增上心学增上慧学說當知此中
有二因緣名善觀察二者長夜串習遍了知
故二者無倒正覺悟故於彼彼解脫善證得

者依增上心增上慧說由二因緣名善證得
一者到究竟故二者不還法故無退法故我
尸羅蘊不圓滿者謂或於尸羅修習一分或
不依止如是尸羅圓滿修習諸定地戒我於
諸法不善觀察者由二種相如前應知我於
解脫不善證得者由二種證如前應知我所
應說如是已善 瑜伽師地論卷十三說者謂總結前略所標舉及廣
分別

復次由六種相應當解釋一切契經一者遍
知事故二者捨離惡行及諸煩惱隨煩惱故
三者受學善行故四者由如病等行智徧知
通達故五者由彼果故六者由自及他領受

彼果故由此六相及田如前所建立相應善
 解釋一切經典此中事者謂蘊界處緣起念
 住及正斷等彼果者謂厭患離欲解脫及漏
 解脫自他領受彼果者謂我生已盡如是等
 類名攝釋分

瑜伽師地論卷第八十二

善

逼迫

上彼力及
 下音伯

羅

俱犬

綢

直留

闡

昌演

香

渠夷

反映

於敬

奪

徒活

漸

七焔

摧

慈催

儲

音軌

俱水

反慢緩

下胡

驅擯

上丘俱

反杜

反徒古

串


反古患

了

心

善

瑜伽師地論八十二



山城國綴喜郡蘆村
靈瑞山剛恩菴沙門宗徒書寫之

十七

二七

